



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCCXLV. Ritter Gumprecht von Wanzleben und dessen Gattin Beata gründen ihr Testament, am 24. August 1476.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

CCCCXLIV. Der Rath zu Salzwedel befundet einen Rentenverkauf an das St. Georgshospital daselbst, am 26. Juli 1476.

Wy Dyderick allinxtede, wilhelm burmesters, Henningk kremers, Jacob mechow, Hans wopelt, Rule gladegow, Hinrick groteian, Hans saluelde, Albrecht brunow, Hinrick dorheyde, Otto borcholte, Hans munter, wolter wolters, Hans beszendal, Diderick mechow, werner wittecopp, Otto fintzelbergh vnd lutke Holtorpe, Radmanne der stad soltwedel, Bekennen apenbare myt duffem breue tugende vor alefweme, dat vor vns is gewesen vnse medeborger Bertolt loszeke vnd heft vorkoft recht vnd redeliken to eynem rechten erffcope, vorkoft ok yn kraft dusses breues, vpp vnd an finer boden yn der straten vor dem steyndare, achter peter Hoygers belegen, twe pund penninge Jarliker renten vnser stad weringhe den Erfamen vorstenderen funte georgen vnd oren nakameren vorstenderen vnd hebber dusses breues myt oren guden willen, vor vestich mark penninge der suluen weringe, de ohm wol to dancke vornoget vnd betalet synt. Dusse twe pund penninge jarliker renten schal bertolt loseke vnd finer gnanten bode besittere alle iar to vyr tiden des Jars, alzo to funte Michaelis dage, to winachten, to paschen vnd to funte iohannis baptisten dage to yfiker tid myth teyn schillinge penninge der suluen weringe, den vorgnanten vorstenderen vnd deme hebber dusses breues myt oren willen sunder vortoch entrichten vnd betalen. Doch so heft de vorgnante bertolt loseke vor sik vnd finer gnanten boden besittere den wedderkopp der vorgnanten twe pund penninge iarliker renten hyr anne beholden, alzo weneer ohm ofte dem besittere syner boden dat beqweme is, so mogen se den benomeden vorstenderen ofte hebber dusses breues myt orer willen sodane vestich marck penninge houetstols myt allen bedageden nastelligen renten der vorseuen weringe ful vnd all entrichten vnd betalen, vnd alzodenne scholen bartelt loseke vnd dem besitter syner gnanten boden sodanne twe pund penninge iarliker renten wedder frig vnd losz syn. Dusses to bekantenisse hebben wy vnse der nigenstad Ingefegel wilken an dussen bref hangen heten. Na cristi vnser heren geborth vyrteynhundert Jar, dar na Imm sollz vnd souentigsten iare, Am frigdage na iacobi.

Nach dem Original des Salzw. Archives XL, 20.

CCCCXLV. Ritter Gumprecht von Wanzeleben und dessen Gattin Beata gründen ihr Testament, am 24. August 1476.

Wy her Gumprecht van Wantfleue, ridder, vnde ver beata, des suluen hern gumprechts elche hulfrowe, mechtech Lyues, synne vnde aller vser redelicheyte. Were, dat vns de dot versnelde, So schicke wy setten vnde maken vse testament In desser wyse, alle hir na ghescreuen steyt vnde willen vnde begheren, dat it ghanz vnbrockliken gheholden werde. To deme ersten male gheue wy in de ere godes vor den heyl vnde salicheyt vser selen vnde juten, vser dochter, vnde vser elderen sele vif stücke gheldes in deme dorpe to Cettingen jarlikes paches vnde rente, myt alleme rechte van den teyn stucken de wy her Gumprecht vnde ver beata,

vorghenomet, ghekoft hebben van albrechte van aluenfleue In deme fuluen dorpe to Cettingen, alle de briue vtwyfen, de wy dor ober hebben, den wyfen vnde den bescheyden Lunden den altaristen, de nu synt vnde noch to komende syn In den kerken der hilghen juncfrawen funte marien, Laurencii, Nicolai vnde funte katherinen in den steden to Soltwedele, alle dat de fuluen altaristen scole ewliken alledaghelich ghenugliken gheuen ghuden reynen verschen wyn to allen myssen, de me Synghen vnde Lesen schal to allen altaren, de nu synt in den vorghenomeden kerken. Were auer, dat de vorghenande albrecht van aluenfleue edder sine eruen de vorghenomeden teyn stukke gheldes in deme dorpe to Cettingen wedder kosten, so scoien de altaristen, de denne synt, nemen vnde vpboren vestich mark brandenborghes siluers van dheme ghelde des wedderkopes vnd keren dat in wisse gulde vnde rente, alle se erst konen vnde meghen, vnde gheuen dar ave den wyn, alle hir vorfcreuen sleyt. Vortmer van den anderen vif stucken, de wy ghekoft hebben van albrechte van aluenfleue, in deme fulue dorpe to Cettingen bescheyde wy vnde gheuen eyne stücke gheldes deme altaristen des altares des hylghen Lychames vnde funte marthen in vser vrouwen kerken to Soltwedele, dar he schal mede beghan laten ewliken alle jarlikes dre memorien vser herrn Gumprechtes, ver Beaten vnde juten, vser dochter, vpe sodanne tyde, alle eyn illich vser steruet, myt cappellanen vnde myt schulern, in der fuluen kerken to vser vrouwen, Vnde to dem kloftere der baruoten dre memorien vpe de fuluen tyde, mit vilghen vnde mit selemysen nach der macht vnde der eschyngē des fuluen stücke gheldes. Ok gheue wy eyn stücke gheldes van den fuluen vif stücke gheldes den heren van dem hylgenghefte. Vortmer den vrouwen in deme kloftere to dambeke gheue wy eyn stücke gheldes van den vorbenomeden vif stucken gheldes, dat se ewliken thwyge beghan alle jarlik dechnysse vser hern Gumprechtes, ver beaten vnde juten, vser dochter, vpe de thyde, alle wy her Gumprecht vnde ver Beata van desser werlde scheyden: vnde scholen gheuen den cappellanen vnde deme schulren ver schillinge van deme fuluen stücke gheldes to der fuluen jarlikes dechnysse. Were auer, dat de vorbenomede Albrecht dat erghenomede ghud wedder koste, so schal me van deme ghelde des wedderkopes gheuen dem altaristen des vorbenomeden altares des hylghen Lychames teyn mark siluers, den heren to deme hilghen ghefte teyn mark siluers, Den vrouwen to dambeke teyn mark siluers, dar se mede kopen ewlike jarlikes rente, dar se vor dun, alle hir vorfcreuen sleyt. Ok gheue wy van deme wedderkope der vorghenomeden renthe twintich mark siluers den klofteren Maryendale, vser vrouwen berghe funte margenborne, Olden Haldefleue vnde Meyendorpe, dar se vor scholen denken vser hern gumprechtes, ver Beaten vnde juten, vser dochter. Alle desse vorfcreuen stücke vnde en etlik befunderen wil wy her Gumprecht vnde ver beata, vorghenomet, stede, ganz vnde vast holden, Oft wy se nicht wedderreden vnd wedderspreken in vser wolmacht by vser Leuende, vnde setten, schyken vnde stedeghen vser jegenwardeghen testaments vnde vser lesten willen vormundere, vorständere vnde entschychtere den decken vnde den kemerer, de to der thyd synt, des kalandes, der altaristen der erghenomeden kerken vser vrouwen to Soltwedele vnde hern johanne buck vnde hern arndt van pokebusch, pristere. To ener groteren tughinge, hulpe vnde vulbord des jegenwardeghen testaments hebbe ick beseghelt dessen bref vnde myt my her gumprechte, hinrick, Werners sone, vnde hinrik, hinrikes sone, gheheten van der schulenborch, De ghegheuen is na godes Bord drutteynhundert jar in deme ses vnde seuentegisten jare, an funte bartholomews daghe des hilghen apostoles.